



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԳՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք. Երևան, Շոպրոնի 77

N

9/18357

< 96 > 07

2023թ.

Գարեգին Հակոբյանին
Հասցե՝ ք. Երևան, Դ.Անհաղթի փող. 19/1, 1

Ուղարկվում է Ձեր դիմումի հիման վրա ՀՀ ՆԳՆ ոստիկանության պարեկային ծառայության վարչական բոլորքների քննության բաժանմունքում իրականացված վարչական բոլորքարկման վարույթի արդյունքում թիվ 8300637393, 8300650093 և 8300660274 որոշումները բեկանելու և վարչական իրավախախտումների վերաբերյալ գործերի վարույթները կարճելու որոշման օրինակը:

Առդիր՝ << 4 >> թերթ:

Պեյր,
ոստիկանության գնդապետ՝

Ա. Խուդինյան

Կատ. Ս. Կարապետյան

Ո Ր Ո Շ ՈՒ Մ

ՀՀ ՆԳՆ ոստիկանության պարեկային ծառայության վարչական իրավախախտումների վերաբերյալ գործերով 11.06.2023թ.-ին կայացված թիվ 8300637393, 18.06.2023թ.-ին կայացված թիվ 8300650093 և 24.06.2023թ.-ին կայացված 8300660274 որոշումները բեկանելու և վարչական իրավախախտումների վերաբերյալ գործերի վարույթները կարճելու մասին

ք.Երևան

<< 25 >> 07 2023թ.

ՀՀ ՆԳՆ ոստիկանության պարեկային ծառայության պետ, ոստիկանության գնդապետ՝ Ա. Խուրդինյանս, վերանայելով Գարեգին Հակոբյանի (Այսուհետ՝ դիմող) 04.07.2023թ.-ին ՊԾ ստացված դիմումի հիման վրա հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

11.06.2023թ.-ին, ժամը 13:40-ի սահմաններում, Երևան քաղաքի Ազատության պողոտայում դիմողը «ԲՄՎ» մակնիշի, 72 AD 777 հաշվառման համարանիշի տրանսպորտային միջոցը վարել է առանց գործող ԱՊՊԱ պայմանագրի: ՀՀ ՆԳՆ ոստիկանության պարեկային ծառայության Երևան քաղաքի գնդի պարեկ Աղասի Գրիգորյանի կողմից «Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի համաձայն դիմողի նկատմամբ կազմվել է վարչական իրավախախտման վերաբերյալ արձանագրություն և կայացվել թիվ 8300637393 որոշումը՝ դիմողին 100.000 ՀՀ դրամի չափով տուգանելու մասին:

18.06.2023թ.-ին, ժամը 12:04-ի սահմաններում, Երևան քաղաքի Դ.Անհաղթի փողոցում դիմողը «ԲՄՎ» մակնիշի, 72 AD 777 հաշվառման համարանիշի տրանսպորտային միջոցը վարել է առանց գործող ԱՊՊԱ պայմանագրի: ՀՀ ՆԳՆ ոստիկանության պարեկային ծառայության Երևան քաղաքի գնդի պարեկ Գրիգոր Աբգարյանի կողմից «Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի համաձայն դիմողի նկատմամբ կազմվել է վարչական իրավախախտման վերաբերյալ արձանագրություն և կայացվել թիվ 8300650093 որոշումը՝ դիմողին 100.000 ՀՀ դրամի չափով տուգանելու մասին:

24.06.2023թ.-ին, ժամը 11:35-ի սահմաններում, Լոռու մարզի Նոր Խաչակապ Մ-3 ավտոճանապարհին դիմողը «ԲՄՎ» մակնիշի, 72 AD 777 հաշվառման համարանիշի տրանսպորտային միջոցը վարել է առանց գործող ԱՊՊԱ պայմանագրի: ՀՀ ՆԳՆ ոստիկանության պարեկային ծառայության Լոռու մարզի գումարտակի պարեկ Կարեն Պեպանյանի կողմից «Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի համաձայն դիմողի նկատմամբ կազմվել է վարչական իրավախախտման վերաբերյալ արձանագրություն և կայացվել թիվ 8300660274 որոշումը՝ դիմողին 100.000 ՀՀ դրամի չափով տուգանելու մասին:

Դիմողը 04.07.2023թ.-ին ՊԾ ստացված դիմումով խնդրել է անվավեր ճանաչել ՀՀ ՆԳՆ ոստիկանության պարեկային ծառայության վարչական իրավախախտումների վերաբերյալ գործերով 11.06.2023թ.-ին կայացված թիվ 8300637393, 18.06.2023թ.-ին

կայացված թիվ 8300650093 և 24.06.2023թ-ին կայացված 8300660274 որոշումները՝ մասնավորապես նշելով, որ կատարվել է տրանսպորտային միջոցի հաշվառման համարանիշերի փոփոխություն՝ 37 PO 024 հաշվառման համարանիշը փոխվել է 72 AD 777 հաշվառման համարանիշով և արձանագրություն կազմելու պահին իր տրանսպորտային միջոցը ունեցել է գործող ԱՊՊԱ պայմանագիր՝ դիմումին կից ներկայացնելով թիվ SQ 656707 վկայագրի պատճենը և նշված վկայագրում փոփոխություններ կատարելու վերաբերյալ թիվ 1 համաձայնագրի պատճենը:

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետի հիմքով ՀՀ ՆԳՆ ոստիկանության պարեկային ծառայության վարչական բողոքների քննության բաժանմունքում հարուցվել է վարչական բողոքարկման վարույթ:

«Վարչարարության հիմունքների և վարչական վարույթի մասին» ՀՀ օրենքի 38-րդ հոդվածով սահմանված կարգով վարչական վարույթում քննարկվող փաստական հանգամանքների վերաբերյալ արտահայտվելու և լսված լինելու հնարավորություն տալու նպատակով դիմողին ուղարկվել է ծանուցում՝ վարչական լսման օրվա և ժամի վերաբերյալ:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 37-րդ հոդվածի պահանջներով՝ քննության են առնվել իրավախախտման բոլոր, այդ թվում՝ դիմումատուի օգտին առկա փաստական հանգամանքները, ինչի արդյունքում պարզվել է, որ վարչական իրավախախտումների վերաբերյալ գործերով 11.06.2023թ.-ին կայացված թիվ 8300637393, 18.06.2023թ.-ին կայացված թիվ 8300650093 և 24.06.2023թ.-ին կայացված 8300660274 որոշումները ենթակա են բեկանման հետևյալ պատճառաբանությամբ.

«Ավտոտրանսպորտային միջոցների օգտագործումից բխող պատասխանատվության պարտադիր ապահովագրության մասին» ՀՀ օրենքի 5-րդ հոդվածի 4-րդ մասի համաձայն՝ յուրաքանչյուր անձ պետք է մշտապես ունենա սեփականության իրավունքով իրեն պատկանող (ֆինանսական վարձակալության (լիզինգի) պայմանագրով իրեն տրամադրված) և Հայաստանի Հանրապետությունում հաշվառված յուրաքանչյուր ավտոտրանսպորտային միջոցի համար կնքված և գործող ԱՊՊԱ պայմանագիր: Արգելվում է ընդհանուր օգտագործման ավտոմոբիլային ճանապարհներով ավտոտրանսպորտային միջոցի վարումը, եթե դրա համար առկա չէ այն վարելու պահին գործող ԱՊՊԱ պայմանագիր:

«Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի համաձայն՝ առանց տվյալ տրանսպորտային միջոցի համար կնքված ավտոտրանսպորտային միջոցի օգտագործումից բխող պատասխանատվության պարտադիր ապահովագրության գործող պայմանագիր ունենալու՝ Հայաստանի Հանրապետության տարածքում ընդհանուր օգտագործման ավտոմոբիլային ճանապարհներով տրանսպորտային միջոցը վարելը՝ առաջացնում է տուգանքի նշանակում՝ սահմանված նվազագույն աշխատավարձի հարյուրապատիկի չափով:

ՀՀ ՆԳՆ ոստիկանության պարեկային ծառայության ծառայողների կողմից տրված պարզաբանումների համաձայն՝ դիմողի կողմից առանց գործող ԱՊՊԱ պայմանագրի տրանսպորտային միջոց վարելու փաստը արտացոլվել է դյուրակիր

համակարգչի ծրագրում, ինչի արդյունքում կազմել են վարչական իրավախախտման վերաբերյալ արձանագրություններ և կայացրել որոշումներ:

Դիմողի կողմից դիմումին կից ներկայացրած թիվ SQ 656707 վկայագրի պատճենի և նշված վկայագրում փոփոխություններ կատարելու վերաբերյալ թիվ 1 համաձայնագրի պատճենի, ինչպես նաև ՀՀ կառավարության 1251 որոշմամբ հաստատված ՃՈ էլեկտրոնային ռեգիստրից կատարված քաղվածքների ուսումնասիրությամբ պարզ է դառնում, որ «ԲՄՎ» մակնիշի WBANW13578CZ85194 նույնացման համարով տրանսպորտային միջոցը 13.08.2022թ.-ից մինչև 13.08.2023թ.-ն ունեցել է գործող ԱՊՊԱ պայմանագիր՝ կնքված «Լիգա Ինշուրանս» ԱՓԲԸ-ի հետ:

«Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին կետի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման, եթե բացակայում է վարչական իրավախախտման դեպքը կամ կազմը:

Նույն օրենսգրքի 251-րդ հոդվածի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ: Այդ տվյալները հաստատվում են հետևյալ միջոցներով՝ վարչական իրավախախտման վերաբերյալ արձանագրությամբ, վարչական պատասխանատվության ենթարկվող անձի բացատրություններով, տուժողի, վկաների ցուցմունքներով, փորձագետի եզրակացությամբ, իրեղեն ապացույցներով, իրեր և փաստաթղթեր վերցնելու վերաբերյալ արձանագրությամբ, ինչպես նաև այլ փաստաթղթերով:

Նույն օրենքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և սոցիալիստական իրավագիտակցությամբ:

Այսպիսով, ելնելով վերոգրյալից և ղեկավարվելով «Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին մասով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի


1. ՀՀ ՆԳՆ ոստիկանության պարեկային ծառայության վարչական իրավախախտումների վերաբերյալ գործերով 11.06.2023թ.-ին կայացված թիվ 8300637393, 18.06.2023թ.-ին կայացված թիվ 8300650093 և 24.06.2023թ.-ին

կայացված 8300660274 որոշումները բեկանել և վարչական իրավախախտումների վերաբերյալ գործերով վարույթները կարճել:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:

3. Սույն որոշման օրինակն ուղարկել դիմողին, ՀՀ ՆԳՆ ոստիկանության պարեկային ծառայության Երևան քաղաքի գունդ և Լոռու մարզի գումարտակ:

**Պետ,
ոստիկանության գնդապետ՝**



Ա. Խուլդինյան